

夢  
樓  
詩  
集

夢樓詩集卷十九

丹徒王文治禹卿

後楚遊草

己酉之冬再爲楚遊古今體詩八十六首

壽雪山房歌爲陳恆齋作

我聞泰山之巔雪最壽被谷彌崖千尺厚上古登封七十  
有二君玉輦之旁積如繡又會親見點蒼十九峯風旋雲  
擁無春冬城中午炎日皜皜山上玉龍鱗甲蟠千重浮世  
隨時爲俛仰心逐炎涼共消長那知一片雪花千萬年金  
石雖堅莫能做陳子山房對雪晴晴溪晴樹照耀環軒楹  
有花不向殘春落無月還教永夜明寓書示我圖中雪仿  
佛空山見飄瞥何當置我此圖歷落崎嶇中碎嚼梅花誦

莊列讀書敲詩此一。時名山藏弄無人知。只愁五百載以  
後有人撫卷遙相思。人生安得如汝壽爲君且詠坡仙詩  
重陽後一日喜晴與張舸齋寶巖諸子補登高於  
凌江閣時將爲楚遊

江閣西風上布袍。華顛對客尙能豪。眼看秋雨重陽過心  
惜黃花一夜勞。楚水連天將賦別。暮山銜日且登高。鄉園  
令節殊難值。爲我燈前盡濁醪。

陳默齋扁舟黃葉圖

湛湛秋江楓樹林。夕陽斜射半江陰。江南黃葉扁舟路。付  
與詩人側帽吟。

蕪湖曉發孫司馬春浦以詩見寄用余舟泊樊口

舊韻行至樅陽次答一章

君詩靄靄曉雲空五載相思此暫逢  
談藝擬傾湖上酒開帆剛聽寺門鐘  
文章能使交情厚山水都消宦興濃  
報語江頭眞吏隱春風歸棹願過從

冬至後二日秋帆制府招同羅慎齋山長張忍齋  
學使登岳麓絕頂

海納萬水斯深深岳羅衆山斯森森  
衡山七十二峯相輔弼至此直注湘  
江陰湘江涵青山削緣百道煙霏散  
還束以山臨水此其巔以岳觀山此  
其麓制府夙鍾川岳靈言自華嵩移  
羽旌嵩形如臥華如立未抵大賢胸  
次雲濤橫我持漁竿過洞庭天風三  
日揚飛舫維舟正奏欵乃曲又

邀我向名山行烏府先生返珂里

眞齋前輩

紫薇使者轡軒止

忍齋

學使皋比說經鏗若鐘玉尺量才澄若水是皆海內之大

儒高懷樸學同而殊平時雪棹何處訪忽爾星堂異地俱  
從來氣類相感發如谷應聲磁引鐵制府才名三十春朝  
野傾心拱卿月是日風和天宇朗半陂浸山蒼林莽捫蘿  
穿磴出幽岑豁然江流瀉胸平似掌歸塗夕陽松樹顛山  
中沉沉如小年人生獲此友朋山水樂不羨蓉城蓬島爲

飛仙

趙魯菴手一編圖

治生不求富飲酒不求醉

用坡公語

讀書不求名居官不求貴

安之已半生亦莫知所謂邇來更淡蕩隨處興可寄法流

入漸深道芽長已遂依然手一編松亭領清吹

張廿一蓉湖竹南小影詩

同年張蓉湖居湘江之上老屋十數椽前有菜圃  
數畦傍則竹陰萬箇賦詩酌酒其間爰取長吉詩  
舍南有竹堪書字老去溪頭作釣翁之語爲圖蓉  
湖擅詩名數十載晚入詞垣二子皆高掇科第頃  
解組家居獨寄樂於漁釣之事其胸次可知矣

釣竿曾是拂珊瑚歸老湘江興不孤夜半竹陰涼似水月  
中小艇出菰蒲

秋帆制府歸自浯溪見示與蓬心太守唱和詩次

韻二首一呈制府一贈蓬心

清絕湘波綠可憐，插空衡岳落帆前。  
雲如吏部登峯日，碑認平原勒頌年。  
擁節獨兼山水福，論文快得友朋緣。  
歸來檢點奚囊句，尙帶三吾萬頃煙。

癡過長康不自憐，老誇嬰鑠勝於前。  
戲拈秃筆揮風雨，笑把深卮度歲年。  
人事幾多歸昨夢，天涯相聚是前緣。  
不逢大府眞知己，誰信官貧減爨煙。  
制府贈蓬心詩有但恐歸來斷爨煙之句其憐才如此

題家蓬心太守畫

老占愚溪日日閑，愛他冰署似深山。  
一尊酌罷疎林晚，興寄幽亭古木間。

爲恩湛菴廉使題蓬心瀟湘煙雨畫卷四首

剪取瀟湘十里青雲峯深處草間聲客中一夜高樓雨添  
得煙波入洞庭

老守官貧似馬曹胸中千尺暮山高南湘使者憐才甚手

酌紅螺倩染毫

蓬心嗜飲每在廉使署齋作畫廉使必酌酒勞之

官衙傳舍亦吾廬

廉使自顏其署齋曰亦吾廬囑蓬心書之

梧竹蕭森映讀書

城外青山分一角開窗松影夕陽疎

黃鶴樓中月半斜滄江吹笛到長沙相逢畫與人俱老同

照湘流感鬢華

頃晤蓬心年七十矣

湘上聞歌觀家蓬心作畫

一串明珠一曲新一分煙雨十分春暮山青入湘波裏如

見當年鼓瑟人



同年家梅岑觀察以平定勾補苗人事略見示爲  
紀以詩兼用志別二首

楚塞萬重山苗民忽逞頑弓刀乘險入笳鼓唱歌還探穴  
全憑膽綏邊略見斑畫將慈惠意運用在兵間  
卅載長安別相逢兩鬢星宦遊成底事辛苦飽曾經戎政  
書生預仁聲過客聽張帆明日去惆悵岳雲青

六十自壽詩八首

六旬彈指過雲煙典到初吟自壽篇身謝萬緣由早退眼  
高千古爲通禪年惟隨分何須假福已逾涯不在全好煞  
瀟湘對明月須知屈賈未華顛

時客長沙

少年孤露泣飄蓬豪氣生於徹骨窮匹馬燕京走塵土橫

槎滄海溯鴻濛屋書

球人呼其國王之稱

乞字金樽綠若秀

貴公子之善歌

者憐才玉頰紅奇絕茲遊千古少至今回首大瀛東

鳴梢聲動曉光初濡墨淋漓上

玉除何意鷓鴣近鐘鼓

深慚鴟鷲點樵漁貧交特爲文章厚嬾性終嫌禮法疎自顧華簪原不稱東籬非是愛吾廬

親民有

旨選儒臣萬里遙行六詔春飯豆羹藜貧太守

支風借月老詩人自甘宦海輸他巧偏是蠻鄉愛我真三載 皇恩歸五馬江湖從此乞閒身

應共西湖結契多五年常住水雲窩桃含宿雨蒸爲霧桂引香風釀作波故友餽金勞致問門生載酒數相過閒來自製銷魂曲笑遣紅兒月下歌

千尋太華穿雲出，四扇潼關向日開。  
同甲故人持節在，一時名士裹書來。  
唐陵剪草尋碑版，杜曲看花舉酒杯。  
乘興洮河還策馬，長城萬里暮徘徊。

多生知是打包僧，腰雪無從叩上乘。  
媿宦積塵憑病洗，文詞結習與閑增。  
身搜金網幾三匝，眼障紅紗只一層。  
自導師傳海印洪鑪鎔，盡玉壺冰。

謂海宇本師

漠漠煙霞渺渺情，端居何必說逃名。  
頻年踪跡依山寺，明日生涯付水程。  
事到過來方悟險，路當難處輒成平。  
華胥大夢何時覺，爲報晨鐘且莫驚。

爲惠瑤圃中丞題可韻上人畫蘭竹

沉沉鎖院一條冰，瘦竹幽蘭碧數層。  
清況只今誰解寫，祇

將斑管倩山僧

君山次韻

澄湖展天鑑，倒影浸春蛾。人外蕭蕭葉，雲中渺渺波。靈絃清韻杳，斑竹暮煙多。今夜重樓月，蒼寒意若何。

次韻奉詔秋帆同年岳陽樓玩月偶彈水仙操題壁見寄之作

旌節南行浩蕩春，登臨偏憶獨吟身。少時大瓠曾浮海，老去焦桐半作薪。樓聳三層先受月，湖開一鑑不沾塵。水仙彈罷青山暮，又見當年三醉人。

題石谷子仿倪高士十萬圖

并序

倪高士爲陶南村所作十萬圖，舊爲陳少保公收。

藏侯壯悔曾作文記之今已不可復得茲石谷所擬十冊淡宕清寒不必專主雲林一派而氣韻要是一家眷屬古今人雖不相及然畫家宗旨以神相契安在高士風流不照耀人間世也此冊今歸望之親家因念二百餘年中失其真而得其似而似亦何必遽不如真即使劍返珠還當亦不過如是經云無所從來亦無所去天下事皆作如是觀也

萬竿煙雨

山前萬竹淨湖外一鷗飛日暮空煙雨湘君歸不歸

萬松疊翠

寒溪秋積雨，複嶺晝生陰。時聽松風響，不知松逕深。

萬峯雲起

初日猶未出，雲海先彌空。萬點青山影，濛濛曉色中。

萬卷書樓

沉沉清閼閣，水木對扶疎。消得蠻人拜，中藏萬卷書。

萬壑爭流

亂流爭赴壑，百道響春雷。誰把銀河影，懸將對面來。

萬頃滄波

山遠全消霧，波微未遘風。晴湖一萬頃，都在月明中。

萬點青蓮

浦蓮如海深，水藻將煙染。風裏綠千層，雨中紅萬點。

萬樹秋聲

明河界燧星耿耿夜將曙萬樹盡秋聲不識秋來處

萬山飛雪

林色合成片山空飄未殘何人戴紅笠清曉倚樓看

萬橫香雪

晴昊插橫枝繁葩簇香雪夜深明月來方知風味別

蘇文忠天際烏雲帖真蹟頃爲秋帆制府所獲卷

尾有元虞伯生題詩四首并跋語十二行柯丹邱

張伯雨倪元鎮及明義興馬治俱合卷中詩及虞

詩並和之各得九首

唯倪詩七首

余亦繆次其韻兼呈

制府

陰糜濃似烏雲積玉板光爭白雪明七百餘年數行字只  
今如見古人情

茗甌細酌團龍乳詩卷輕揮紫兔尖看到疎櫺纖月落不  
知清漏暗中添

歲月流波劇可驚人雕青鬢鶴雕翎睂山老去方飯佛手  
寫楞伽四卷經

聽雨高樓

秋帆都門舊寓

萬燭紅金尊日日故人同滄江此夕眠

漁艇獨領黃州擘岸風

卅載牙旗不動塵華顛移鎮楚江春庾樓吟嘯諸僚佐可  
識看花第一人

廿年慣借錢塘住也向西湖夜放船明月不知詩老散畫



夢樓詩集

卷九

八

欄猶送影娟娟

香花歲歲祀髯翁秦塞商墟遍采風

秋帆撫陝時得坡翁畫像每翁生日必懸

像祀之海內名士會者咸賦詩

酬得驪珠三百顆

卷中坡書凡三百零六字內缺一字

仙靈

知尙在人中

鶯鶯燕燕古芳魂放鶴重將公案論

坡詩去年柳絮飛時節記得金籠放雪衣

竊謂正指此事而自註乃云杭人以放鶴爲太守壽殆故謬其說以避不知者誦病耶

今日秋風猶

有淚當時春夢已無痕

天華何必異空華著袂從將紺唾誇肯信浮雲隨變滅未

妨游戲算河沙

爲望之親家題董文敏仿米敷文瀟湘奇境圖圖

爲秋帆尙書所藏觀跋語知是陳氏故物遂以遺

望之俾珠還劍合焉

世間萬事皆煙雲區區得失何容分法書名畫較適性隱  
現由來亦無定君家甲第高陽羨卜昌遠耀來清沐文章  
不假史書傳氣節堪令人爵賤評書別畫有家風牙籤表  
識青紗籠百年隨過亦隨散雪消那記天邊鴻敷文墨戲  
士夫筆異代香光入其室匠心靈幻吐奇峯一片空濛若  
無質風水相遇成文章賢豪相遇道倍光君佐尙書鎮楚  
疆尙書倚君爲柱梁公餘品跋到書畫孰是淵源孰流派  
曲遘知音調始逾癢逢纖爪爬方快香光妙墨重連城上  
有君家處士名尙書割愛持相贈畫錄千秋佳話成

爲劉純齋觀察題柴門流水畫卷

大羅天上老劉晨，瓠落江湖酒一尊。  
袖裏日添新賦草，夢中常到古柴門。  
暮煙收處鴉歸樹，春雨來時水遶村。  
唱罷微雲淮海曲，蓬萊舊事暗銷魂。

劉近好爲詞頗有周秦勝韻

鸚鵡洲邊月正高，衰遲相遇不成豪。  
潞河柳接青千里，京口潮通綠一篙。  
各有柴門臨曲水，誰憐塵土上征袍。  
郎官湖外春如海，且對花枝引濁醪。

爲惠瑤圃中丞題可韻上人墨蘭卷子四首

誰將澹墨染春痕，瘦葉疎花倚石根。  
一院古苔青不掃，重簾著地月黃昏。

春眠初覺鳥聲忙，臨罷黃庭日漸長。  
待與高僧參鼻觀，絕無香處是真香。

小池雨過看濡豪更酌紅螺讀楚騷爲與幽蘭多風契建  
牙猶得近湘皋

南陔春蕊發華滋視膳萱庭日影遲手擘矮牋如水碧花

前閑補廣微詩

時太夫人  
迎養在署

蓬心自永州寫浯溪圖見寄且題云夢樓昨在長  
沙夢想浯溪之勝以未得一遊爲恨故寫此寄贈  
其殷勤之意可感也頃又讀其懷張吾山詩清遠  
頽放卽次其韻爲謝二首

去年曾作洞庭遊望斷浯溪一片秋願我未能探石室間

君近已厭糟邱

聞蓬心攝生節  
飲心甚喜之

雲開岳氣如森玉春盡湘

波似潑油珍重圖成千里寄知余舍此百無求

數尺鵝溪作臥遊畫中榮落卽春秋忘情是處堪三宿歸  
老終思臥一邱頭白幾看花灼灼官清頻致黍油油頗聞  
辦就雙芒屨大藥深山好共求

蓮巢寫芭蕉蕙草見貽因爲題之

蕉陰欲拂雲千尺蕙氣能含露一苞曉起許多清潤意半  
歸葉底半花梢

以素心蕙草一枝贈靈巖山人而係以詩

世界浮雲過太空千秋臭味誰與同馨香盈袖欲持贈可  
憐知己無由逢蕙性含春未承露深深繡幕重重護有恨  
慚教芳草知無言似惜流年度靈巖山人屈宋才初蒨綺  
歲登蘭臺身在百花頭上立慧從千劫夙根栽羣芳愛傍

花王座天送香風空際播此種舊埋蓬艾間粉香雲慳紅  
未破天街並馬少年遊彈指之間兩白頭相逢各出銷魂  
句花雨簾前對校雛拚花難忘當時事散花小試諸天技  
素心諧處口難言聊倩春煙寫其意憶昨同舟泛洞庭君  
山遙送長睂青春餘臨別此相贈脈脈湘波識我情

女孫玳梁寫蘭靈巖山人題絕句以贈次韻謝之  
兒童憐我楚江遊遠寄蘭心碧影流多謝詩人香草句微  
波欲拂洞庭秋

余以五月六日自楚旋里登舟後承惠瑤圖中丞  
以詩贈行途中次韻報謝二首

扁舟處處踐前塵湘水濱還漢水濱廬阜擬參蓮社座庾

樓欣謁嶽生人白蘇佳句皆通性莊老微言只外身再拜

轅門歸去也又將三宿結來因

時訂秋後重來

罷民全倚大醫王

楚俗罷甚公與秋帆制府葑洲方伯力爲整頓始有起色

輿誦聽來

徧四方彭澤田園勞問訊杜陵酒債只尋常欲憑明月將  
心白却笑閒雲似客忙一語報公公定喜好山日日送歸  
航

晚泊西塞山卽事二首

漁舟一葉蕩虛空來去無憑只信風網得巨魚無賣處銀  
鱗潑刺敗筐中

變滅煙雲一霎時每愁好句過難追近來學得便宜法但  
看青山不作詩

彭澤二首

青山四面一江通  
陶令幽居寄此中  
東晉去今千載遠  
故應不改北牕風  
雲隨飛鳥停還去  
山共江濤湧復平  
越有小姑娘青一點  
州鬢十里向人傾

江路

已辭故人去未到  
舊時家中間江路  
永渺渺望天涯  
朝雨上林翠夕陽平  
浪花濱江有村落  
一犬吠籬笆

皖城晤蔣六心仲承贈二絕句次韻答之

白鬚數載已飄然  
君亦清霜漸上顛  
眼底流波多少事  
相逢猶當是華年



乍憶別離如破夢飽經榮落似參禪清江先掛蒲帆去今  
晚欲投何處煙

舟中晨起

日出尙含霧江平似接雲山明高始見樹暗遠難分徐熟  
舟人飯全開草色薰微風上帆腹波韻喜初聞

縱陽道中二首

絕好青山瞥眼過叩諸舟子應偏訛分明邂逅逢佳士無  
處詢名可奈何

江岸畱賓滯水程友朋詩酒太多情今朝獨對青山色銀  
燭烏絲又隔生

古詩二首

少小所遊盤老去意常警及乎重到來不過人間境平生  
所交親別後懷耿耿及乎再得逢不過肩相並須知無言  
中樂處唯自省舟中到眼山雲水相與永殊難舉似人容  
我徐徐領

繫舟苦煩熱行舟喜蕭散炎涼一俄頃頓令人境換誰能  
冠蓋中懸擬解鞅鞞此樂當何如平地生羽翰但須退力  
勇豈畏世緣絆長揖御風人相期遊汗漫

板子磯

板子磯頭江水清荻花港畔炊煙輕斜陽已逐暮雲斂猶  
向蒲帆轉處明

繁昌舊縣

經旬宿江渚過此愛清空山翠橫天外煙邨落鏡中綠陰  
深似雨白鳥遠翻風却望維舟處星星漁火紅

兩來風

江中來往皆可張帆俗謂之兩來風戲成一絕

逆憂順喜歡心同但願吾心恐不公吾欲歸時人欲往願  
天常送兩來風

靈澤夫人祠歌

張葭亭觀察重葺此祠同人相與賦詩余遂有此  
作

皖江東下舟如箭突兀巉磯早迎面夕陽仍是古江山朝  
曦乍起新宮殿侍女如雲刀架持阿監護衛森威儀夫人

明粧照江水有似深宮初嫁時當時戎馬紛驅馳力爭智  
取靡不爲降書終出紫髯客失路誰憐大耳兒垂老無端  
爲贅壻婚媾分明藏謫計夫人進退成兩難青史何能達  
微意布衣昆季姝常倫報讎白帝弗顧身東行孝直豈能  
阻北伐武侯且緩伸爲吳爲蜀空猜卜民到于今心始服  
萬里應招杜宇魂一聲難效蒼梧哭我來拜奠椒漿綠神  
絃競奏迎神曲笑殺菰蘆遣女戎轉惜樓桑無艷福三分  
籌策定隆中五將飛騰戰伐功蜀漢千秋數人物江天還  
有女英雄

蕪湖解纜有作

到處勾留爲索書凌晨解纜似逃逋安能江水俱成墨題

徧天公大畫圖

荷松圖歌爲汪梅村親家作

黃山之松一千尺濃陰變作浮雲色我欲攀之不可得西  
風吹衣暮蕭瑟汪子入世無世情夙世早結青霞盟頻年  
料理畢婚嫁逸軌欲追向子平前年作圖梅萬樹今年作  
圖松一鳴凍蕊三更明月寒驚濤十里秋聲暮勁松之下  
清風多膝前雙鶴依喬柯我與高門結姻婭附託深蔭如  
薦蘿布鞵青鞋我已辦白雲瑤圃君應羨直待長松化作  
蛟龍翔碧落相從遊汗漫

題高旻如鑑長老秋山宴坐圖三首

高僧不可遇何意在人間水隔白雲洞煙橫紅樹山風旛

俱寂寂猿鳥亦閑閑欲共談真諦蘿陰取次攀

高旻大鑪鞞迨脈係於茲侍者吹毛悟官人引扇知忘言  
秋意遠入定水聲遲應是尋師者芒鞋欲破時

草藉跏趺坐風吹壞色衣但知山下路已被箭鋒機世外  
流清澗空中墮翠微欲畱師久住生怕鷲峯飛

潘蓮巢以今年五月十二日五十生辰唐耀卿寫  
夏日卉草數種以贈余綴以詩卽以爲壽二首

五十看將過縈纏漫到今紅情憑筆懺白業與年深漠漠  
煙含鷗紛紛翠點岑生機隨意取應不畏霜侵

心緣慈得戒

蓮巢與耀卿護生之心最切頃俱受菩薩戒

禪助畫通靈人有煙

霞瘁毫含風露馨李蘇同一氣茅許各千齡花徑非予至

休教啓玉局

擬元微之體二首

黃昏瞥見月鉤新  
丁字簾前共倚春  
要得嬌愁真態出  
泥他歡笑耐他嗔

小像沉檀八寶局  
折枝新供定羲餅  
暗從花下牽郎袂  
軟語嚶嚶問道經

夢樓詩集卷十九終

夢樓詩集卷二十

丹徒王文治禹卿

小止觀齋二集

古今體詩九十九首

秦氏寄暢園

一水中央澹千章數里澗路依泉屈曲林覆屋陰森夕照  
漏金屑天風鳴玉琴幽廊難久立六月畏寒侵

惠泉

暫謝塵中事來酌花間泉泉水浸終古松風猶昔年天光  
映還碧月波搖更圓在山風味好一酌一回鮮

相馬圖

人間不見九方歎誰與驂駟一寫真惆悵黃金臺下路斜



陽芳草幾回春

題暉南田白菜寫生

卜箸直千錢競羨侯鯖貴清齋踰十年方知此滋味

汪稼門太守誦先圖詩四首

汪氏自受姓之始至太守八十三世圖中所繪家  
乘最著者及本支凡十有四人太守歲時瞻禮以  
寄優閩愾見之意孝思可尚也

吳郡神君頌舒州宿學名家風潘騎省祖德庾蘭成明發  
眞無忝詒謀況有聲披圖兼讀傳一一見平生  
得姓周宗遠開基越國雄六州民徧德萬戶帝酬功自王  
殊韓信維藩倚竇融從來根本茂奕葉暢仁風

簪纓逮唐宋文物盛東南家乘摹圖六人寰不朽三風儀  
瞻嶽嶽雅量想潭潭愧乏銀鈎筆書碑照暮嵐

知君從政後辛苦念松楸誓墓情空切歸田願未酬借恂  
民望切旌況主恩優悃悞資移孝題詩抵慰畱

桃花菴

桃花一樹艷猩唇曾占名藍舊日春門閉不逢前度客溪  
澗欲誤再來人紅迷夕照還如夢綠葢天涯獨愴神我願  
大千花世界有花開處盡詮真

題陸少室宛陵秋泛圖

青山畫裏見扁舟小謝當年載酒遊天上涼雲天下水一  
時併作宛陵秋

月渚道人松林宴坐圖

月渚道人愛朗吟，閑來獨坐松花陰。  
攀花弄月寄人世，天上白雲知我心。

閩門登舟將至松江作

烏雲起遠天，綠樹垂平岸。  
天公送薄陰，炎威喜全散。  
良由客路頻，頗覺舟居慣。  
解維日已晡，張燈始能飯。  
風來漁火聚，雨過水螢亂。  
衰年寡嗜好，夙性多懶慢。  
渺渺望吳淞，餘生付泡幻。

寄懷朱春泉

才名卅載倦風塵，苦憶西湖舊日春。  
濩落心情誰慰藉，枇杷花下閉門人。

寄懷雷雷峰

萬里出岷峨依然別緒多吳興纔咫尺秋雨阻煙波白髮  
看如此青萍繡不磨當年湖海氣垂老竟蹉跎

海棠

院閉花仍發樓高春正韶溫暾上清曉夢雨滴中宵萬點  
紅如海雙顰暈似潮漢宮憑借問宿酒幾時消

汪端揆徐佩易兩秀才淡柳聯吟圖卷子

春風憶年少愛友復耽詩忽漫驚遲暮前遊徒夢思靈和  
垂露日漢水感秋時展卷但相羨難迴鬢上絲

采芝圖

出門唯遣鶴司關直入天台山復山怪底衣衫染香霧白

雲洞裏采芝還

余歸自武昌荷塘以詩見贈次韻報之

髮似青山葉似船漢江東下水連天故人詩思爭春發南  
國烟花趁雨鮮句不推敲殊賈島書惟荒率似張顛等閑  
公案掀翻盡翠柏朱桃竝是禪

朱敬亭乘槎圖二首

杖是蒼龍珮是霞合丹憑採玉蓮花知君詩思寬於海故  
泛張騫萬里槎

我學空門並學仙朝看紅日暮蒼烟蓬萊一別方平老不  
及王喬正少年

養竹圖

種竹何如養竹難碧梢近已拂雲寒客中略恨居無竹好  
借先生畫卷看

次筴江上韻題王石谷畫四首

絲絲籠水復籠沙沙上枯根似古槎添得一痕新月色何  
人對此不思家

秋來微月淡如空井上高梧略受風爲愛清輝成久立渾  
忘衣濕露華中

秋樹秋山掩復重秋霜染處淡還濃秋風一霎穿林過送  
到前溪寺裏鐘

澹雲微雨不分明乍見林梢放晚晴一道溪流入幽竹風  
枝如向酒人傾

徐朗齋芙蓉湖上讀書堂

幾年花裏閉柴關千古高人尚友閒  
昨向芙蓉湖上過讀書樓外好青山

贈許穆堂同年

少日同年友驅馳京洛塵  
今週花甲子俱作歸田人  
健是老來福酒添詩裏神  
蘇臺風景地往事得重論

東陽詩意圖詩四首

有序

吳中程子鏡亭取沈東陽賞逐四時移詩意爲圖  
夫移者時也與時俱移者賞之之心也或謂程子  
近道者也近道者寓意於物而不留意於物  
留意者心與時俱移寓意者時移而心不移也  
雖然心

逐於物固失吾心矣心必不逐於物則心猶與物  
爲對也若準肇論物不遷義則四時未嘗或移所  
謂世間相常住者此也若準楞伽常無常義則心  
固無刹那之不移所謂不斷百思想者此也隱侯  
詞人未能知道而程子有取焉者毋亦早見及此  
耶

春花萬樹映高樓李白當年載酒遊燭影花光明似晝不  
知皓月更當頭

縹緲峰頭白鳥迴五湖煙盡綠如醅平生自具扁舟興不  
待功成歸去來

半染輕黃半染丹霜華刻意作新寒楓林只在斜陽裏誰



到白雲深處看

灞橋雪後憶騎驢紅笠青衫儼畫圖今日同遊都散去春風還爲到平蕪

滄浪漁笛圖

漁釣從來應客星一聲短笛暮山青華筵儘有銷魂曲不及孤舟月下聽

海上移情圖

茫茫四大海日月浴其裏世界紛營營乃彼一漚耳成連似昭文鼓琴得妙理欲移伯牙情詭令觀海水人生狃目前所歷唯尺咫食不踰梁肉衣不踰羅綺行不踰舟車居不踰城市那知人跡外奇境自茲始羣鳥但呼號大魚或

騰倚萬里絕親知窮年失棲止此時心一悲身世兩忘矣  
試揮水仙調天然應宮徵我昔愛奇險仙槎隨冊使濤雪  
瀉當胸濯盡塵襟鄙快意唯獨賞欲言胡可擬垂老展此  
圖忽然見獵喜徑須鞭蒼龍與君跨赤鯉何去復何來無  
成亦無毀不必更攜琴自契琴中旨

寄懷汪八研薌司馬

塵務各喧卑萍踪紛聚散吳江望淮浦便似隔河漢憶昨  
相逢初楚天夏未半及乎重接席桂萼已辭榦官中時事  
更客裏流光換團團一輪月花底照芳宴歡愜纔幾時冷  
浸楊柳岸驟雨不終朝堅冰會須泮善保濟時身待展翀  
天翰

題河東君小像二首

柔條輕拂晚風前，可惜斜陽半壁天。  
雲卷絳河金作屋，春回紅豆玉爲田。  
淡衣投刺才名噪，淡墨傳神畫格鮮。  
海蜃光茫隨變滅，波旬劫裏散花禪。

往事沈思話太長，夜烏辭樹燕辭梁。  
夢回不覺蓬萊淺，風過偏遺粉黛香。  
枚卜無端撻貫索，蒙鈔有意匹清涼。  
秋波閱盡滄桑局，成佛生天總斷腸。

馮巽泉太守秋缸補讀圖

曰余初受書志在破萬卷貧無買書錢，  
見書空慕羨。況爲制舉業揣摩逐時彥，  
未窺天地廣。那識古今變，泊乎稍有識。  
又遭婚宦纏，若非早歸田。此事竟中斷，  
夫子不世姿對。

書目如電文名綺歲著勲績盛年建爾來守吳淞頌聲滿  
江甸今秋招我遊竹下展文讌談藝窮源流衡才別真贋  
快如癢獲搔協比拍同按頃復示我圖挑燈欲達旦似嫌  
少未勤倍覺老忘倦問學何終窮斯意洵美善抑余有管  
窺冒昧欲投獻古人觀大義卓犖無羈絆今人泥考證瑣  
屑肆爭辨古人德與功青史何煥爛今人所成就猥鄙良  
可歎說文九千言欲了讀書案苦伸許鄭說寧與周孔叛  
入主而出奴掛一或廢萬君本磊落人肯被蟲魚眩君本  
千古人肯爲時譽勸仕學兩俱優文行同立傳濬淪在性  
靈章句何足辨試看秋窗燈光芒四射銀漢

爲盛蕢洲同年題畫卽以奉贈

與君同舉京兆試與君同作滇南守與君同作林下人今  
日相逢同白首相逢邀我酌一杯愧我止酒難追陪昨宵  
偶話卅年事不覺漏鼓三通催羨君夙抱神仙質每對青  
霞嚙紅日未能萬里訪名師猶自嗟跼踈卷帙我今已作  
有髮僧青鞵布鞵腰行勝興來吟向山水窟雲煙信足穿  
千層求仙學佛皆遊戲自性光明燭天地不信但觀畫裏  
身非我非人絕思議且將素琴一再彈曲終明月同君看

蕉陰小立圖

紅欄曲曲轉長廊團扇輕衫愛晚涼理罷朝來新上曲美  
人蕉下月昏黃

奇麗川方伯僧服像三首

萬里秋光入性靈  
臣心如水暑如冰  
只須了却閑公事  
便是人間一個僧

位致三公原外物  
胸羅萬卷亦浮埃  
蒲團竹杖俱拋却  
面自憑君認本來

獨立蒼茫不計年  
隨他喚佛喚神仙  
華嚴會上曾相識  
恐是威音古劫前

瞿花農秋山訪友圖

偶然有所憶  
率爾便攜琴  
雲作魚鱗色  
風傳鴈過音  
故人在何許  
秋意滿空林  
知隔前溪渡  
蒼蒼不可尋

蓉城二首

紅雲萬朵擁蓉城  
仙路如明又未明  
略記麻姑臨別語  
來

朝花膳待方平

月袂霞裾不惹塵偏教風雨詫靈神多情宋玉空能賦甘  
作陽臺局外身

樂圃雪霽晨起

道人清不寐雪壓高松枝全消夜窗暗尤與朝暉宜但覺  
心明淨都平路險巖預期新月上扶杖看水池

效義山體調汪心農時新納姬人碧珠

生怕羅疎逼細腰似嫌釵重壓元髻慣居吳苑粧偏淡初  
嫁周郎齒正韶柳絮一行添夜詠簾波千疊護春嬌侵晨  
不敢求鶯友楚岫雲深夢未消

題汪梅村訪道圖四首

一網芒鞋九節筇，凌虛踏破翠千峰。  
松蟠危磴多巢鶴，雲出寒潭有蟄龍。  
大藥密將金鼎貯，真文誰啓紫泥封。  
風前驀地聞鸞嘯，知近瑤臺第幾重。

證道元知有夙根，也須親得導師論。  
空山草木衣糧儉，太古眞靈位業尊。  
萬劫風輪銷玉粒，三更月魄耀金盆。  
至人默坐華陽洞，待汝溪窠獨叩門。

前年撥火宿僧房，談到元踪話倍長。  
心竅乍生雲液潤，鼻端時覺藥苗香。  
桃尋元觀成前度，鳳識丹山是故鄉。  
兩卷黃庭分內外，淆訛重與細商量。

向子平生有舊期，名山肯待鬢成絲。  
試參兔走烏飛路，已過男婚女嫁時。  
垂老還聞竊桃實，少年屢夢采華芝。  
人間



小住三千劫歸讌蓬萊未是遲

題張此亭僧服像

少年飲酒興偏豪中歲論詩格更高近日風情殊未減却  
來林下着僧袍

瓶梅次如長老韻

朝來折取澗之濱插向軍持意態新仙帳初醒還似夢僧  
房深閉已知春偶同秦篆縈香靄不屑唐花作比鄰試倩  
燈光照疎影一枝瘦硬更通神

題汪詣成孫壻江臯秋望圖

千古秋光判與君楚驩情性杜陵文請看楓葉扁舟外萬  
里青天無片雲

寄懷陳望之四首時年屆六旬卽以爲壽

海內清華盡屬公薦紳地望許誰同傳家氣節兼騷雅壽  
世文章更事功漢水春波吟對酒庾樓明月嘯臨風却將  
三楚與人誦吹入仙家玉笛中

鄉貢同登上計車一枝淡媿倚蒹葭多情叔寶人如壁能  
賦興公句是霞東粵蠻烟傳鴈信西湖官舍傍漁家年來  
身作諸侯長尙有高懷寄落花

法書名畫等雲煙却是才人賞會偏讀書不妨忘寢食臨  
書真欲擬神仙倪家清秘夷官拜米氏脩閑虎子傳最羨  
郎君掌天祿石經講罷日移磚

翰墨多生有夙因三年兩住楚江春達官獨領貧中味故

友相看老更真我已辭家遊汗漫公能爲國葆精神只今  
六十頭仍黑他日同爲駕鶴人

焦山晨起同雷雷峰二首

三更看梅影一宿聽松濤對岸雪峰秀開門海日高晨興  
遲盥櫛宴坐謝塵囂爲約故人住將船買濁醪

別離今幾度每度鬢添銀老覺年光速歡貪笑語頻人同  
吳地月海接蜀江春後會知何日心期且細論

高旻如長老退院戲贈二絕

堂頭一擔重千斤卸却彌於雲水親紅日滿林猶入定人  
閒安得此閒身

馬蹄日踏軟紅塵鳥語空山又一春那得不教靈徹笑古

來林下幾歸人

唐巨峰招同郭地山張寶巖朱一峰黃侶琨衆香

院賞牡丹

今春風雨太怱怱九十繁華一霎空絕艷忽將衰鬢照濃

雲煖得戒香融名山兩度邀浮白

前年寶巖張子亦有此會

塵海三生

感夢紅向晚難禁銀燭下簫聲遙送畫欄東

聞鮑雅堂將解官歸里詩以懷之次其見寄原韻

窮達各有適升沈合由天古賢已皆爾今吾何不然江南

春水綠好放鴨觜船聞君思吳鱸昨歲已辭燕又聞薦雄

者愛君長楊篇頌髮颯已素心鐵柔如綿應同槁木槁豈

作懸旌懸千秋齊名事期許卅載前

事在丁香館中集

至今五湖

身尙寄三霄邊男兒爲微祿金帶腰可憐樵漁待君久倩  
我一語傳

爲歸映藜方伯題畫十二首

讀書

人生不易得無過讀書緣暢好溪沈夜還當羅綺年草痕  
分縹帙花影上紅牋今日勲猷爛逾知書味偏

看劍

男兒有至性豪氣肯消磨愛此一條雪淬之千頃波倚天  
雄顧盼對月靜摩挲霜刃須藏匣恩讐世漫多

放眼

昔我浮滄海東觀曉日昇霞飛紅萬道珠浸碧千層琴子

騎仙鯉莊生狎大鵬知君心捧日坐看海濤澄

濯足

曾聞古志士濯足萬里流自度滄浪曲閒招漁父遊結跡承細草踏浪弄浮漚濯罷蹶芒屨雲峰一舉頭

騎牛

牛背斜陽外風傳叩角音繞腔溪活活隔岸柳陰陰閑却扶犁手仍懷問喘心何當春社飲爛醉臥桃林

立馬

芳郊鋪淺綠金勒踏淡紅馬奪桃花色人迎楊柳風騰驤懷遠志淡穩奏膚公欲識長嘶意孫陽一顧中

輟耕

夙抱田園志恩深未忍歸寫圖成綠野釋耒看清暉麥浪  
風前細秧鉞雨後肥前溪一行鷺故故向人飛

罷釣

蓼繁遮蟹斲柳折露漁莊放棹衝晨霧收綸帶夕陽雲隨  
飛鳥過江逐遠天長好待新蟾上青蓑臥晚涼

灌花

之子多情甚澆花立課勤緹修晨汲井塢暖午蒸雲欲助  
生成力閑觀天地文却教衣袖上暗裏染清芬

醉月

對月兩嬋娟持杯中聖賢古時同此月今夕定何年縹緲  
霓裳曲悠揚白紵篇舞衣輕似霧飛下鬱蕭天

折梅

欲折不忍折徘徊東澗東花真有仙骨天爲借春風衣上  
餘英墮鬢邊香霧濛不因逢絕代清賞與誰同

友竹

友盡天下士重來對此君千尋含綠雨一榻臥涼雲山翠  
遠猶見溪聲靜更聞却看籬菊綻三益此平分

汪心農今春又納姬人再贈二首

捲起珠簾上玉鈎盈盈三五未平頭謾矜花貌無人似夫  
婿風標賽莫愁

姊妹班行各占春些些猜忌倍宜人阿郎近日添新課兩  
副生綃畫玉真



余舊有向梁山舟前輩索書長句荷其三次疊韻見寄因第三首有噍點蓮池大師念佛之語余不欲與諍然亦不敢面從故未之答此事十餘年矣頃心農索山舟書山舟錄前三詩與之心農將刻諸石而屬余錄并原韻以志一時酬和之盛余既錄以報命仍三用前韻成篇謝心農將以并寄山舟也

汪君新安之著姓越國遺風後逾勁平生篤行照鄉閭如穀療飢藥療病閑來還結翰墨緣能書善鑒由天性時論三梁與一王老拙殊慙鋒勢橫維君嗜痂夙有癖千里馳書叩門請

心農十載前曾兩次專人至余家索書

去年吳門傾蓋逢疇昔相

思一宵屏汪汪宏度似波澄朗朗高懷如玉瑩竭來礪石  
乞梁書欲使人閒尹邢並昔年酬和未終篇爲保禪門諍  
鬪靖誰知盛事固有待今日因君發詩興詩成回首却惘  
然十度璇璣週斗柄

題潘榕臯農部歸帆圖

歸帆直壓浪花高歸客長吟興倍豪今日相尋書畫舫不  
知人世有風濤

卽席次九二娛韻二首

誤讀黃庭幾許經謫居猶傍萬花冥芳卿姊妹多生契謾  
擬人間尹與邢

不是瑤宮第一仙爭消才子蕊珠篇雨窗銀漏華燈燼一

夕溫柔抵小年

家西莊光祿閉戶著書圖

讀書至等身似爲獨善計著書至等身澤乃及後世著書  
老年事隻字析疑義古今所聚訟爬剔去蕪蘄我旣爲其  
難眾皆獲其易如此利濟心不在據高位先生曠代才弱  
冠掇上第奏賦動 龍顏超擢至卿貳一朝解華纓欣然  
外人事非耽山水綠非羨葦鱸味園中屐亦稀松下戶常  
閉平生所淡造不忍就棄置譬彼五侯鯖欲以供同嗜尙  
書雖一經四代典章備春秋不復作羣史皆苗裔落落二  
千年似顯還復翳先生抱虛衷濟之以精銳如刃投其繫  
如銳刮其醫遂令後來者如日中天繫偉哉此功勳千禩

空廟祭豈惟鄭王俱直堪卜左繼賤子早休官所事唯兒  
戲脚下空萬里眼中無一字出處兩何成對公發淡媿

孫香泉久居畢制軍幕府制軍入覲始獲歸省高  
堂家蓬心爲作鄂渚開帆圖以志喜余題二絕

楚水東流歸思淡吳天春色望沈沈春帆開處春風好始  
遂春暉一寸心

雨過紅橋綻曲欄堂前欣得侍晨餐尙書後命徵求急預  
惜秋風放棹難

張警堂觀察汪研薌司馬暨門人吳竹堂小集余  
樂園寓齋翌日警堂用余賞牡丹詩韻見贈次韻

奉酬

荒園閑臥綠悠悠枕上鷓聲曉夢空一夕賢豪花下聚頻  
年感槩酒邊融交經耐久人偏淡曲到牽情燭更紅不厭  
太常清供奉花驄還過小池東

寧鞠谿宰婁縣有善政婁之人士甚愛戴之頃以  
迴避調任涇縣有畱別父老詩六首一時屬而和  
者數百人余時客吳門亦仿其韻贈行且以志廉  
吏之可爲也

昔賢有宏願憂樂與民同但得爲循吏何須致上公君將  
儒者術小試眾人中莫怪謳歌遍窮黎易感通

十載泣江南民情久愈諳赤心已革黃犢佩知慙竹外  
童迎馬桑陰婦飼鸞欲知恩沛處淞水暮天涵

躬行移俗易文教服人多孝秀邀宏獎顧愚亦濯磨正欣  
成雀頌忽漫唱驪歌父老空攀戀神君意若何

君年未及冠落筆已軒軒塵滓暫埋劍雲濤旋化鯤

君爲余壬

午同考時所薦士戊子始獲雋偶然宰百里便爾福千村亦有平生學挑  
燈擬其論

前年官潤浦送我楚天遊隔歲婁江上招余看早秋菰蘆  
張翰宅橘柚謝公樓此後懷人處迢迢天際舟  
瀕行仍折東蔬菓滌盤陳道故知君厚談詩憐我真何時  
同夜雨此去又陽春老眼重磨拭看君夙抱伸

題兕觥歸趙事蹟後

有序

前明趙文毅受廷杖許文穆以兕觥贈之流轉至

曲阜顏氏五世孫王槐求而得之詳見翁覃溪文集竊謂此觥流轉顏氏趙氏知之不得不求趙氏求之顏氏亦不得不歸然非癖於嗜古如覃溪者決未能委曲爲之作合非老於文律如覃溪者亦未必能爲之記載歌詠而期其必傳意千古忠魂實式憑之故有此奇遇耶

先澤傳來舊芳型正在今黃流君子壽碧血直臣心遲久光逾顯徵求意獨淡不緣翁太史此寶恐浮沈

芷塘雷峰訪余於樂圃寓齋余曾出家伶奏技頃芷塘以詩見寄次韻答之二首

白頭自訂管弦聲秘譜真疑竊玉清君惜知詩未知樂但

誇五七字長城

莫漫燒丹擬上仙  
仙家歲月箭離弦  
且耽一曲一杯酒  
餉鶴何須二頃田

再用前韻戲東芷塘二首

偷桃竊藥有風聲  
笑語微聞墮太清  
自是才人饒結習  
芙蓉城又海棠城

楊維禎有夢遊海棠城記

箇中誰解挾飛仙  
佩辨纖腰指辨弦  
君有璧人聲價在  
莫將抵鵲誤藍田

燕復巢爲松濤汪丈作

燕飛帶得春泥香  
來覓杜陵舊草堂  
口瘖羽瘁巢甫就  
兒童毀棄難周防  
松濤老人老更事  
理喻羣兒使生媿  
燕飛



却在別樹枝口不能言領其意天生萬類類各殊以心相通心不渝自古忘機感鷗鷺須知孚志及豚魚風晴天暖燕生喜仍向芻軒營故壘積土黏花磐石安歲歲梁間長孫子世間恩愛性最深寶護眷屬千黃金何人育子情弗快何人毀室悲能禁但教觀物復觀我日赤刀几誠何心